

## *Eutropio Textos de ABAU con preguntas*

1, 2. Conditam civitatem, quam ex nomine suo Romam vocavit, haec fere egit. Multitudinem finitimorum in civitatem recepit, centum ex senioribus legit, quorum consilio omnia ageret, quos senatores nominavit propter senectutem. Tum, cum uxores ipse et populus suus non haberent, invitavit ad spectaculum ludorum vicinas urbi Romae nationes atque earum virgines rapuit.

### **Quaestiones:**

1. Quid Romulus civitatem vocavit?
2. Quot senatores legit?
3. Quare senatores nominavit?
4. Quid fecit cum populus suus uxores non haberet?
5. Quem invitavit Romulus ad spectaculum ludorum?

1, 3. Postea Numa Pompilius rex creatus est, qui bellum quidem nullum gessit, sed non minus civitati quam Romulus profuit. Nam et leges Romanis moresque constituit, qui consuetudine proeliorum iam latrones ac semibarbari putabantur, et annum descripsit in decem menses prius sine aliqua supputatione confusum, et infinita Romae sacra ac templa constituit. Morbo decessit quadragesimo et tertio imperii anno.

### **Quaestiones:**

1. Quis rex post Romulum creatus est?
2. Bellumne Numa Pompilius gessit?
3. Quid Numa Pompilius Romanis constituit?
4. Quot menses anno descripsit Numa?
5. Quomodo Numa Pompilius mortuus est?

1, 4. Huic successit Tullus Hostilius. Hic bella reparavit, Albanos vicit, qui ab urbe Roma duodecimo miliario sunt, Veientes et Fidenates, quorum alii sexto miliario absunt ab urbe Roma, alii octavo decimo, bello superavit, urbem ampliavit adiecto Caelio monte. Cum triginta et duos annos regnasset, fulmine ictus cum domo sua arsit.

### **Quaestiones:**

1. Quis successit Numam?
2. Quot miliario ab urbe Roma sunt Albani?
3. Quos alii sexto miliario absunt ab urbe Roma?
4. Quomodo Tullus Hostilius mortuus est?

5. Quod montem ad urbem ampliavit?

1, 5. Post hunc Ancus Marcius, Numae ex filia nepos, suscepit imperium. Contra Latinos dimicavit, Aventinum montem civitati adiecit et Ianiculum. Apud ostium Tiberis civitatem supra mare sexto decimo miliario ab urbe Roma condidit. Vicesimo et quarto anno imperii morbo periit.

**Quaestiones:**

1. Quis successit Tullum Hostilium?
2. Contra quos dimicavit Ancus Marcius?
3. Quos montes civitati adiecit Ancus Marcius?
4. Quid fecit Ancus Marcius apud ostium Tiberis?
5. Quomodo Ancus Marcius mortuus est?

1, 6. Deinde regnum Priscus Tarquinius accepit. Hic numerum senatorum duplicavit, circum Romae aedificavit, ludos Romanos instituit, qui ad nostram memoriam permanent. Vicit idem etiam Sabinos et non parum agrorum sublatum eisdem urbis Romae territorio iunxit, primusque triumphans urbem intravit. Muros fecit et cloacas, Capitolium inchoavit. Tricesimo octavo imperii anno per Anci filios occisus est, regis eius, cui ipse successerat.

**Quaestiones:**

1. Quis post Anci Marcium regnum accepit?
2. Quem numerum senatorum duplicavit Priscus Tarquinius?
3. Quos ludos instituit Priscus Tarquinius?
4. Quos populos vicit Priscus Tarquinius?
5. Quomodo Priscus Tarquinius mortuus est?

1, 7. Post hunc Servius Tullius suscepit imperium, genitus ex nobili femina, captiva tamen et ancilla. Hic quoque Sabinos subegit, montes tres, Quirinalem, Viminalem, Esquilinum, urbi adiunxit, fossas circum murum duxit. Primus omnium censum ordinavit, qui adhuc per orbem terrarum incognitus erat. Occisus est scelere generi sui Tarquini Superbi, filii eius regis, cui ipse successerat, et filiae, quam Tarquinius habebat uxorem.

**Quaestiones:**

1. Quis post Priscum Tarquinium regnum accepit?
2. Quos montes urbi adiunxit Servius Tullius?
3. Quid primus omnium ordinavit Servius Tullius?

4. Quomodo Servius Tullius mortuus est?
5. Ex qua femina genitus est Servius Tullius?

2, 5. T. Quintius dictator adversus Gallos, qui ad Italiam venerant, missus est. Hi ab urbe quarto miliario trans Anienem fluvium consederant. Ibi nobilissimus de senatoribus iuvenis L. Manlius provocantem Gallum ad singulare certamen progressus occidit, et sublato torque aureo colloque suo inposito in perpetuum Torquati et sibi et posteris cognomen accepit.

#### Quaestiones:

1. Quis dictator adversus Gallos missus est?
2. Quo miliario ab urbe consederant Galli?
3. Quis Gallum ad singulare certamen occidit?
4. Quomodo L. Manlius cognomen Torquati accepit?
5. Quid L. Manlius collo suo inposuit?

2, 21. L. Manlio Vulsono M. Atilio Regulo consulibus bellum in Africam translatum est. Contra Hamilcarem, Carthaginiensium ducem, in mari pugnatum victusque est. Nam perditis sexaginta quattuor navibus retro se recepit. Romani viginti duas amiserunt. Sed cum in Africam transissent, primam Clypeam, Africae civitatem, in deditionem acceperunt. Consules usque ad Carthaginem processerunt multisque castellis vastatis Manlius victor Romam rediit et viginti septem milia captivorum reduxit; Atilius Regulus in Africa remansit. Is contra Afros aciem instruxit. Contra tres Carthaginiensium duces dimicans victor fuit, decem et octo milia hostium cecidit, quinque milia cum decem et octo elephantis cepit, septuaginta quattuor civitates in fidem accepit. Tum victi Carthaginienses pacem a Romanis petiverunt.

#### Quaestiones:

1. Quibus consulibus bellum in Africam translatum est?
2. Quis dux Carthaginiensium in mari victus est?
3. Quot naves Romani amiserunt?
4. Quam civitatem primam in deditionem acceperunt Romani?
5. Quid Carthaginienses pacem a Romanis petiverunt?

3, 14. Decimo anno postquam Hannibal in Italiam venerat P. Sulpicio Cn. Fulvio consulibus, Hannibal usque ad quartum miliarium urbis accessit, equites eius usque ad portam. Mox consulum cum exercitu venientium metu Hannibal ad Campaniam se recepit. In Hispania a fratre eius Hasdrubale ambo Scipiones, qui per multos annos victores fuerant, interficiuntur, exercitus tamen integer mansit.

#### Quaestiones:

1. Quot annos postquam Hannibal in Italiam venerat?
2. Quibus consulibus Hannibal usque ad quartum miliarium urbis accessit?
3. Quo Hannibal se recepit metu consulum?
4. Quis in Hispania a fratre Hannibalis interfectus est?
5. Quid exercitus tamen mansit?

**3, 15.** Interea ad Hispanias, ubi occisis duobus Scipionibus nullus Romanus dux erat. P. Cornelius Scipio mittitur, filius P. Scipionis, qui ibidem bellum gesserat, annos natus quattuor et viginti, vir Romanorum omnium et sua aetate et posteriore tempore fere primus. Is Carthaginem Hispaniae capit, in qua omne aurum, argentum et belli apparatus Afri habebant, nobilissimos quoque obsides, quos ab Hispanis acceperant. Magonem etiam, fratrem Hannibalis, ibidem capit, quem Romam cum aliis mittit. Romae ingens laetitia post hunc nuntium fuit.

#### Quaestiones:

1. Quis ad Hispanias missus est?
2. Quis pater P. Cornelii Scipionis erat?
3. Quid Carthaginem Hispaniae captum est?
4. Quem P. Cornelius Scipio in Hispania cepit?
5. Quomodo Romani post nuntium de P. Cornelio Scipione senserunt?

**4, 16.** Eodem tempore Metellus in Celtiberia apud Hispanos res egregias gessit. Successit ei Q. Pompeius. Nec multo post Q. Caepio ad idem bellum missus est, quod quidam Viriathus contra Romanos in Lusitania gerebat. Quo metu Viriathus a suis interfectus est, cum quattuordecim annis Hispanias adversus Romanos movisset. Pastor primo fuit, mox latronum dux, postremo tantos ad bellum populos concitavit, ut adsertor contra Romanos Hispaniae putaretur. Et cum interfectores eius praemium a Caepione consule peterent, responsum est numquam Romanis placuisse imperatores a suis militibus interfici.

#### Quaestiones:

1. Quis in Celtiberia apud Hispanos res egregias gessit?
2. Quis Metello successit?
3. Quis bellum in Lusitania contra Romanos gerebat?
4. Quomodo Viriathus interfectus est?
5. Quid respondit Caepio consul interfectores Viriathi?

**6, 12.** Dum haec geruntur, piratae omnia maria infestabant ita, ut Romanis toto orbe victoribus sola navigatio tuta non esset. Quare id bellum Cn. Pompeio decretum est. Quod intra paucos menses ingenti et felicitate et celeritate confecit. Mox ei delatum etiam bellum contra regem Mithridatem et Tigranem. Quo suscepto Mithridatem in Armenia minore nocturno proelio vicit, castra diripuit, quadraginta milia eius occidit, viginti tantum de exercitu suo perdidit et duos centuriones. Mithridates cum uxore fugit et duobus comitibus.

### Quaestiones:

1. Erantne multi piratae mari an non?
2. Cur Romanis sola navigatio tuta non erat?
3. Quis bellum contra piratas gessit?
4. Bellum contra piratas fuit longumne an breve?
5. Quomodo bello contra piratas finis factus est?

6, 25. Caesar, bellis civilibus toto orbe conpositis, Romam rediit. Agere insolentius coepit et contra consuetudinem Romanae libertatis. Cum ergo et honores ex sua voluntate praestaret et alia regia et paene tyrannica faceret, coniuratum est in eum a sexaginta vel amplius senatoribus equitibusque Romanis. Ergo Caesar, cum senatus die inter ceteros venisset ad curiam, tribus et viginti vulneribus confossus est.

### Quaestiones:

1. Quid Caesar bellis civilibus toto orbe conpositis fecit?
2. Quomodo Caesar agere coepit post bellis civilibus conpositis?
3. Quis in Caesarem coniuravit?
4. Quot vulneribus Caesar confossus est?
5. Quo die Caesar confossus est?

7, 8. Ita bellis toto orbe confectis Octavianus Augustus Romam rediit. Rem publicam per quadraginta et quattuor annos solus obtinuit. Ante enim duodecim annis cum Antonio et Lepido tenuerat. Ita ab initio principatus eius usque ad finem quinquaginta et sex anni fuerunt. Obiit autem septuagesimo sexto anno morte communi in oppido Campaniae Atella. Romae in campo Martio sepultus est, vir qui non inmerito ex maxima parte deo similis est putatus.

### Quaestiones:

1. Quid Octavianus Augustus post bellis toto orbe confectis fecit?
2. Quot annos Octavianus Augustus rem publicam solus obtinuit?
3. Quis ante Octavianum Augustum cum Antonio et Lepido rem publicam tenuerat?
4. Quot anni ab initio principatus eius usque ad finem fuerunt?
5. Quo anno Octavianus Augustus mortuus est?

7, 12. Successit Tiberio C. Caesar, cognomento Caligula, sceleratissimus ac funestissimus et qui etiam Tiberi dedecora purgaverit. Bellum contra Germanos susceptum et ingressus Sueviam nihil strenue fecit. Stupra

sororibus intulit, ex una etiam filiam agnovit. Cum adversum cunctos ingenti avaritia, libidine, crudelitate saeviret, interfectus in Palatio est anno aetatis vicesimo nono, imperii tertio, mense decimo dieque octavo.

#### Quaestiones:

1. Quis Tiberio successit?
2. Qualis erat C. Caesar, cognomento Caligula?
3. Quid Caligula contra Germanos suscepit?
4. Quos stupra intulit Caligula?
5. Quomodo et ubi Caligula mortuus est?

7, 23. Domitianus mox accepit imperium, frater Titi iunior, Neroni aut Caligulae aut Tiberio similior quam patri vel fratri suo. Primis tamen annis moderatus in imperio fuit, mox ad ingentia vitia progressus libidinis, iracundiae, crudelitatis, avaritiae tantum in se odii concitavit, ut merita et patris et fratris aboleret. Interfecit nobilissimos e senatu. Dominum se et deum primus appellari iussit. Nullam sibi nisi auream et argenteam statuam in Capitolio passus est poni. Consobrinos suos interfecit. Superbia quoque in eo execrabilis fuit. Romae quoque multa opera fecit, in his Capitolium et Forum Transitorium, Divorum Porticus, Isium ac Serapium et Stadium. Interfectus est suorum coniuratione in Palatio anno aetatis quadragesimo quinto, imperii quinto decimo.

#### Quaestiones:

1. Cui Domitianus successit?
2. Qualis erat Domitianus primis annis imperii?
3. Quid Domitianus in senatu fecit?
4. Quos titulos se appellari iussit Domitianus?
5. Ubi et quomodo Domitianus mortuus est?

8, 2. Successit Nervae Ulpus Crinitus Traianus, natus Italicae in Hispania, familia antiqua magis quam clara. Nam pater eius primum consul fuit. Imperator autem apud Agrippinam in Galliis factus est. Rem publicam ita administravit, ut omnibus principibus merito praeferatur. Romani imperii, quod post Augustum defensum magis fuerat quam nobiliter ampliatum, fines longe lateque diffudit.

#### Quaestiones:

1. Quis Nervae successit?
2. Ubi natus est Traianus?
3. Quis pater Traiani erat?
4. Ubi factus est Traianus imperator?
5. Quid Traianus de finibus imperii Romani fecit?

**8, 18.** Hinc imperii Romani administrationem Septimius Severus accepit, oriundus ex Africa, provincia Tripolitana, oppido Lepti. Solus omni memoria et ante et postea ex Africa imperator fuit. Hic primum fisci advocatus, mox militaris tribunus, per multa deinde et varia officia atque honores usque ad administrationem totius rei publicae venit. Multa toto orbe Romano reparavit.

**Quaestiones:**

1. Quis imperii Romani administrationem accepit?
2. Unde oriundus est Septimius Severus?
3. Quid Septimius Severus primum fecit?
4. Quomodo Septimius Severus per officia et honores ascendit?
5. Quid Septimius Severus toto orbe Romano fecit?